

Na Ginekološko-akušerskom odjelu u Bihaću, upotrebljava se postupak Credeove profilakse (kapi srebrnog nitrata) za prevenciju nastanka oftalmije neonatorum, tokom perinatalne dobi. Pored toga koristi se i 10% otopina Sulfacetamid Natriuma. Uprkos tome, u praksi susrećemo nemali broj upala konjunktive novorođenčeta, te se postavlja pitanje svrsishodnosti takve profilakse u nas.

Cilj ispitivanja je:

- 1) utvrditi najučestalije infektivne uzročnike neonatalnog konjunktivitisa kod nas
- 2) usporediti zastupljenost utvrđenih uzročnika s podacima u literature, o uzročnicima u razvijenim zemljama, zemljama u razvoju I sredinama niskog socio-ekonomskog standard
- 3) u odnosu na utvrđene uzročnike neonatalnog konjunktivitisa, a imajući u vidu nalaze brisa I antibiograma predložiti novi oblik perinatalne okularne profilakse
- 4) predložiti adekvatnu terapiju kod manifestne upale spojnice kod novorođenčeta, ovisno od vrste uzročnika
- 5) da o ovoj problematici imaju identične stavove liječnici za koje je bitna I sa kojom se u svojoj svakodnevnoj praksi susreću (Pedijatri, Ginekolozi, Oftalmolozi I dr. ).

Nakaznost I upale u predjelu oka mogu biti uzrokovane različitim infektivnim agensima, koji dolaze u dodir sa fetusom intrauterine kroz čitavo vrijeme trudnoće. Iako se većina ovih infekcija prenosi preko placente, smatra se da postoje I drugi putevi prenosa infekcije:

- 1) retrogradna infekcija, koja se širi od genitalnih organa do uterusa I to u slučajevima prijevremnog puknuća opne vodenjaka, zatim,
- 2) infekcije mogu nastati u toku poroda, prolaskom neonatusa porođajnim kanalom.